

Na osnovu člana 48. i 49. Okvirnog zakona o visokom obrazovanju u Bosni i Hercegovini ("Službeni glasnik BiH", broj 59/07 i 59/09), člana 7. i 12. Statuta Agencije za razvoj visokog obrazovanja i osiguranje kvaliteta („Službeni glasnik BiH“, broj: 86/09) i člana 16. Pravilnika o unutrašnjoj organizaciji Agencije za razvoj visokog obrazovanja i osiguranje kvaliteta, broj: 01-60-03/09 od 05.02.2009. godine, direktor Agencije za razvoj visokog obrazovanja i osiguranje kvaliteta uz saglasnost Upravnog odbora Agencije, sa 38. sjednice održane u Banjaluci, 24.10. 2017. godine, d o n o s i :

**ODLUKU**  
**O IZMJENAMA I DOPUNAMA ODLUKE O NAČINU FORMIRANJA**  
**KOMISIJE ZA IZBOR DOMAĆIH I MEĐUNARODNIH STRUČNJAKA**  
**KOJI DAJU OCJENU I OBAVLJAJU REVIZIJU KVALITETA I DAJU**  
**PREPORUKE O AKREDITACIJI VISOKOŠKOLSKIH USTANOVA I**  
**STUDIJSKIH PROGRAMA**

**Član 1.**

U Odluci o načinu formiranja komisije za izbor domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova i studijskih programa u članu 4. stavu (2) tekst „ili drugog svjetskog jezika“ se briše.

Iza stava (1) dodaje se stav (2) koji glasi:

**„Ispunjavanje uslova za predložene članove komisije utvrđuju nadležna tijela koja ih nominuju.“**

**Član 2.**

Član 6. se briše.

Članovi 7., 8. i 9. postaju članovi 6., 7. i 8.

**Član 3.**

Član 7. stav (1) mijenja se i glasi:

**„(1) Članovi komisije imaju pravo na naknadu za rad u komisiji uz primjenu ograničenja propisanih članom 39. Zakona o platama i naknadama u institucijama Bosne i Hercegovine („Službeni glasnik BiH“, br. 50/08, 35/09, 75/09, 32/12, 42/12, 50/12, 32/13, 87/13, 75/15, 88/15 i 16/16).“**

U stavu (2) iza riječi smještaja, dodaje se zarez i tekst: **„u kojem slučaju potpisuju izjavu da im navedene naknade nije isplatila institucija u kojoj su zaposleni, odnosno koja ih je nominirala.“**

**Član 4.**

Ova Odluka stupa na snagu danom donošenja i objavit će se na internet stranici Agencije za razvoj visokog obrazovanja i osiguranje kvaliteta.

Broj: 05-33-1-476-1/17  
Datum: 02.11.2017. godine

**DIREKTOR**  
**Prof. dr. Enver Halilović**

## **O B R A Z L O Ž E N J E**

### **I - PRAVNI OSNOV ZA DONOŠENJE ODLUKE O IZMJENAMA I DOPUNAMA ODLUKE O NAČINU FORMIRANJA KOMISIJE ZA IZBOR DOMAĆIH I MEĐUNARODNIH STRUČNJAKA KOJI DAJU OCJENU I OBAVLJAJU REVIZIJU KVALITETA I DAJU PREPORUKE O AKREDITACIJI VISOKOŠKOLSKIH USTANOVA I STUDIJSKIH PROGRAMA**

Pravni osnov za donošenje Odluke sadržan je u odredbi člana 48. alineja 2) i članu 49. alineja 2) Okvirnog zakona o visokom obrazovanju u Bosni i Hercegovini („Službeni glasnik Bosne i Hercegovine“ broj 59/07 i 59/09), članova 7. i 12. Statuta Agencije za razvoj visokog obrazovanja i osiguranje kvaliteta („Službeni glasnik BiH“, broj: 86/09) i člana 16. Pravilnika o unutrašnjoj organizaciji Agencije za razvoj visokog obrazovanja i osiguranje kvaliteta, broj: 01-60-03/09 od 05.02.2009. godine kojim je odredbama propisano da Agencija osniva komisiju za utvrđivanje liste stručnjaka te da detaljne odredbe o načinu formiranja komisije donosi direktor uz saglasnost Upravnog odbora Agencije.

### **II - RAZLOZI ZA DONOŠENJE PROPISA I OBRAZLOŽENJE PREDLOŽENOG RJEŠENJA**

Razlozi za donošenje Odluke o izmjenama i dopunama odluke o načinu formiranja komisije za izbor domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova i studijskih programa temelji se na potrebi usaglašavanja iste sa Zakonom o dopunama zakona o plaćama i naknadama u institucijama Bosne i Hercegovine („Službeni glasnik BiH“, broj: 88/15) kojim je propisano da članovi upravnih odbora, nadzornih i drugih radnih tijela, koji su zaposleni u institucijama koje se finansiraju iz budžeta institucija BiH, Federacije Bosne i Hercegovine, Republike Srpske i Brčko distrikta BiH i kantona, izuzimajući visokoškolske ustanove, nemaju pravo na naknadu za rad u takvim tijelima koji obavljaju tokom radnog vremena. Imajući u vidu činjenicu da komisiju za izbor stručnjaka čini ukupno pet članova, i to po jedan predstavnik rektorske konferencije, jednog kantonalnog ministarstva, Ministarstva prosvjete i kulture Republike Srpske, Brčko distrikta BiH i Agencije za razvoj visokog obrazovanja i osiguranje kvaliteta, to proizlazi da je jedan član zaposlen na visokoškolskoj ustanovi i ima pravo na naknadu, dok su ostali članovi zaposlenici u institucijama koje se finansiraju iz bužeta institucija BiH, Federacije BiH, Republike Srpske, Brčko distrikta BiH i kantona te isti nemaju pravo na naknadu za rad u komisiji koji obavljaju u toku radnog vremena. Također, predložena je izmjena odredbe koja predviđa isplatu naknade troškova puta, dnevnica i smještaja za članove komisije koji dolaze izvan sjedišta Agencije u smislu da pravo na ove naknade članovi komisije imaju u slučaju kada potpišu izjavu da im navedene naknade nije isplatila institucija u kojoj su zaposleni, odnosno koja ih je nominirala u komisiju.

### **V - FINANSIJSKA SREDSTVA**

Za sprovođenje Odluke o izmjenama i dopunama odluke o kriterijima za akreditaciju visokoškolskih ustanova u Bosni i Hercegovini planiraju se finansijska sredstva za godine u kojima je programom rada Agencije predviđeno raspisivanje konkursa za izbor domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolskih ustanova i studijskih programa.

### **VI - PREISPITIVANJE ODLUKE**

Preispitivanju Odluke pristupit će se u zavisnosti od njene primjene u praksi i ukazane potrebe za izmjenama i dopunama.